

МОНГОЛ УЛСЫН ХУУЛЬ

2017 оны ... дугаар
сарын ...-ны өдөр

Улаанбаатар
хот

**МОНГОЛ УЛСЫН ҮНДСЭН ХУУЛЬД НЭМЭЛТ, ӨӨРЧЛӨЛТ
ОРУУЛАХ ЖУРМЫН ТУХАЙ ХУУЛЬД НЭМЭЛТ, ӨӨРЧЛӨЛТ
ОРУУЛАХ ТУХАЙ**

1 дүгээр зүйл. Монгол Улсын Үндсэн хуульд нэмэлт, өөрчлөлт оруулах журмын тухай хуулийн 6 дугаар зүйлд доор дурдсан агуулгатай дараахь хэсэг нэмсүгэй:

1/6 дугаар зүйлийн 6.3, 6.4 дэх хэсэг:

“6.3.Үндсэн хуулийн Гучин долдугаар зүйлд заасны дагуу Улсын Их Хурлын дарга Ерөнхийлөгчийг түр эзгүйд бүрэн эрхийг нь хэрэгжүүлж байгаа үедээ Үндсэн хуульд нэмэлт, өөрчлөлт оруулах хууль санаачилж болохгүй.

6.4.Улсын Их Хурлын гишүүн Үндсэн хуульд нэмэлт, өөрчлөлт оруулах хуулийн төслийг Улсын Их Хурлын бусад гишүүнтэй хамтран санаачилж болно.”

2/10 дугаар зүйлийн 10.4 дэх хэсэг:

“10.4.Засгийн газар Үндсэн хуульд нэмэлт, өөрчлөлт оруулах өөрийн санаачилсан хуулийн төслийг хуралдаанаараа хэлэлцэж дэмжсэн байна.”

2 дугаар зүйл. Монгол Улсын Үндсэн хуульд нэмэлт, өөрчлөлт оруулах журмын тухай хуулийн 11 дүгээр зүйлийн 11.1 дэх хэсгийн “Хууль, Улсын Их Хурлын бусад шийдвэрийн төсөл боловсруулах, өргөн мэдүүлэх журмын тухай хуульд²” гэснийг “Хууль тогтоомжийн тухай хуульд” гэж өөрчилсүгэй.

3 дугаар зүйл. Монгол Улсын Үндсэн хуульд нэмэлт, өөрчлөлт оруулах журмын тухай хуулийн 2 дугаар зүйлийн 2.4 дэх хэсэг, 7, 8, 9 дүгээр зүйлийг тус тус хүчингүй болсонд тооцсугай.

4 дүгээр зүйл. Энэ хуулийг 2017 оны ... дугаар сарын ..-ны өдрөөс эхлэн дагаж мөрдөнө.

Гарын үсэг